

ქალაქ ბათუმის მუნიციპალიტეტის მერი

ბ რ ძ ა ნ ე ბ ა № 2 0 6

ქ. ბათუმი, 02 მარტი 2016 წ

ქალაქ ბათუმის მუნიციპალიტეტის მერის სამოქალაქო
მრჩეველთა საბჭოს შექმნისა და დებულების
დამტკიცების შესახებ

საქართველოს ორგანული კანონის „ადგილობრივი თვითმმართველობის კო-დექსი“-ს 86¹ მუხლის შესაბამისად,

ვ ბ რ ძ ა ნ ე ბ :

1. შეიქმნას ქალაქ ბათუმის მუნიციპალიტეტის მერის სათათბირო ორგანო - სამოქალაქო მრჩეველთა საბჭო შემდეგი შემადგენლობით:

- ა) ვლადიმერ ბალაძე - ქ. ბათუმის შოთა რუსთაველის სახელობის სა-ხელმწიფო უნივერსიტეტის სრული პროფესო-რი (საბჭოს თავმჯდომარე);
- ბ) ტიტე აროშიძე - არასამეწარმეო (არაკომერციული) იურიდიული პირის „დემოკრატიის ინსტიტუტის“ პროექტე-ბის მენეჯერი (საბჭოს თავმჯდომარის მოადგი-ლე);

ს ა ბ ჭ ო ს წ ე ვ რ ე ბ ი :

- გ) ომარ მახარაძე - ქ. ბათუმის შოთა რუსთაველის სახელობის სა-ხელმწიფო უნივერსიტეტის სრული პროფესო-რი;
- დ) ვლადიმერ ღლონტი - ქ. ბათუმის შოთა რუსთაველის სახელობის სა-ხელმწიფო უნივერსიტეტის სრული პროფესო-რი;
- ე) ბელა ქებურია - პოეტი;
- ვ) მაია სურმანიძე - ექიმი;
- ზ) მაყვალა რომანაძე - პედაგოგი;
- თ) ავთანდილ ცხადაძე - ინჟინერ-ეკონომისტი;
- ი) ლაშა ნაკაშიძე - გაეროს განვითარების პროგრამის „მწვანე ქა-ლაქები: ინტეგრირებული მდგრადი ტრანსპორ-ტი ქალაქ ბათუმსა და აჭარის რეგიონში“ პროგ-რამის ხელმძღვანელი;

- კ) ასლან ჭანიძე - არასამეწარმეო (არაკომერციული) იურიდიული პირის „თავისუფალ ჟურნალისტთა სახლის“ თავმჯდომარე;
- ლ) თამაზ მჭავანაძე - არასამეწარმეო (არაკომერციული) იურიდიული პირის „შშმ პირთა უფლებებისათვის“ თავმჯდომარე;
- მ) მეგი ზაქარაძე - სტუდენტი.

2. დამტკიცდეს ქალაქ ბათუმის მუნიციპალიტეტის მერის სათათბირო ორგანოს - სამოქალაქო მრჩეველთა საბჭოს თანდართული დებულება.

3. ქალაქ ბათუმის მუნიციპალიტეტის მერის სამოქალაქო მრჩეველთა საბჭოს უფლებამოსილებები განისაზღვრება საქართველოს ორგანული კანონით „ადგილობრივი თვითმმართველობის კოდექსი“-თ და წინამდებარე ბრძანებით დამტკიცებული ქალაქ ბათუმის მუნიციპალიტეტის მერის სათათბირო ორგანოს - სამოქალაქო მრჩეველთა საბჭოს დებულებით.

4. წინამდებარე ბრძანება გამოქვეყნდეს ქ. ბათუმის მუნიციპალიტეტის მერიის ინტერნეტგვერდზე.

5. ბრძანება შეიძლება გასაჩივრდეს ბათუმის საქალაქო სასამართლოში (მის. ქ. ბათუმი, ზუბალაშვილის ქ. №30) მისი ქ. ბათუმის მუნიციპალიტეტის მერიის ინტერნეტგვერდზე გამოქვეყნებიდან ერთი თვის ვადაში.

6. ბრძანება ძალაშია ხელმოწერისთანავე.

გიორგი ერმაკოვი

ქ. ბათუმის მუნიციპალიტეტის მერი

„ დ ა მ ტ კ ი ც ე ბ უ ლ ი ა ”

ქალაქ ბათუმის მუნიციპალიტეტის
მერის 2016 წლის 02 მარტის
№206 ბრძანებით

**ქალაქ ბათუმის მუნიციპალიტეტის მერის
სათათბირო ორგანოს - სამოქალაქო
მრჩეველთა საბჭოს დებულება**

მუხლი 1. ზოგადი დებულებები

1. წინამდებარე დებულება განსაზღვრავს ქალაქ ბათუმის მუნიციპალიტეტის მერის (შემდგომში „მერი“) სათათბირო ორგანოს - სამოქალაქო მრჩეველთა საბჭოს (შემდგომში „საბჭო“) შექმნის, საქმიანობის, რეკომენდაციათა შემუშავების და საბჭოს მერთან ურთიერთობის წესსა და პირობებს.
2. საბჭო წარმოადგენს მერის სათათბირო ორგანოს.
3. საბჭო იქმნება ადგილობრივი თვითმმართველობის განხორციელებაში მოქალაქეთა მონაწილეობის, სამოქალაქო ინიციატივების, რეკომენდაციების, მოსაზრებების, რჩევების შემუშავებისა და წარდგენის პროცესის ხელშეწყობის მიზნით.
4. საბჭოს უფლებამოსილება განისაზღვრება საქართველოს ორგანული კანონით „ადგილობრივი თვითმმართველობის კოდექსი“-თ და წინამდებარე დებულებით.

**მუხლი 2. საბჭოს შემადგენლობა და
მისი ფორმირების წესი**

1. საბჭოს შემადგენლობას განსაზღვრავს და ამტკიცებს მერი.
2. საბჭო შედგება არანაკლებ 10 წევრისაგან, სადაც ერთი სქესის წარმომადგენელთა რაოდენობა 1/3-ზე ნაკლები არ უნდა იყოს.
3. საბჭოს შემადგენლობაში შედიან მეწარმე იურიდიული პირების, არასამთავრობო ორგანიზაციებისა და ქალაქ ბათუმის მუნიციპალიტეტის მოსახლეობის წარმომადგენლები.

**მუხლი 3. საბჭოს სტრუქტურა, ხელმძღვანელობა, მუშაობისა
და გადაწყვეტილებების მიღების წესი**

1. საბჭოს ჰყავს თავმჯდომარე, მოადგილე და მდივანი. საბჭოს თავმჯდომარეს და მოადგილეს ნიშნავს მერი, ხოლო მდივნის ფუნქციას საბჭოს ერთ-ერთ წევრს აკისრებს საბჭო.
2. საბჭოს თავმჯდომარე ხელმძღვანელობს საბჭოს მუშაობას, უძღვება საბჭოს სხდომებს, უზრუნველყოფს საბჭოს მიზნების, ამოცანების და უფლება-ვალდებულებების შესრულებას. საბჭოს თავმჯდომარის არყოფნის შემთხვევაში საბჭოს თავმჯდომარის მოვალეობას ასრულებს მოადგილე.
3. საბჭოს მდივანი უზრუნველყოფს საბჭოს სხდომის ოქმების შედგენას და აღრიცხვას. მდივანი ორგანიზებას უწევს საბჭოს სხდომებს და სხვა საქმიანობას.
4. საბჭო უფლებამოსილია კონკრეტული საკითხის განხილვისას, წინადადების/რეკომენდაციის შემუშავებისას მოიწვიოს სხვადასხვა სფეროს ექსპერტები და სპეციალისტები. ექსპერტები და სპეციალისტები მონაწილეობენ საბჭოს მუშაობაში და რჩევებს/მოსაზრებებს/დასკვნებს და რეკომენდაციებს აწვდიან საბჭოს. საბჭოს მიერ ექსპერტის ან

სპეციალისტის მოწვევა შესაძლებელია განხორციელდეს ასევე კონკრეტული მიმართულებით კონსულტაციის მიღების მიზნით.

5. საბჭო გადაწყვეტილებებს იღებს საბჭოს სხდომაზე. საბჭო იკრიბება საჭიროებიდან გამომდინარე ნებისმიერ დროს, მაგრამ არანაკლებ 3 თვეში ერთხელ. საბჭოს სხდომის მოწვევა ხდება საბჭოს თავმჯდომარის მიერ საბჭოს წევრების შესაბამისი ინფორმირების მეშვეობით.

6. საბჭოს მდივანი თავმჯდომარის დავალებით ადგენს დღის წესრიგს და მას წინასწარ აწვდის საბჭოს წევრებს. საბჭოს წევრები ინფორმირებულნი უნდა იყვნენ საბჭოს სხდომის გამართვის ადგილის, თარიღის, დროის და დღის წესრიგის თაობაზე.

7. საბჭო გადაწყვეტილება უნარიანია, თუ სხდომას ესწრება სიითი შემაგენლობის ნახევარზე მეტი მაინც. საბჭოს მიერ გადაწყვეტილება მიღებულად ითვლება, თუ მას მხარს დაუჭერს საბჭოს დამსწრე წევრთა უმრავლესობა. საბჭოს წევრების ხმათა თანასწორობის შემთხვევაში გადაწყვეტია საბჭოს თავმჯდომარის ხმა.

8. საბჭოს მიერ მიღებული გადაწყვეტილება ფორმდება საბჭოს სხდომის ოქმით, რომელსაც ხელს აწერს საბჭოს თავმჯდომარე და მდივანი.

მუხლი 4. საბჭოსა და მერის ურთიერთობები

1. მერი ვალდებულია საბჭოს განსახილველად წარუდგინოს ქალაქ ბათუმის მუნიციპალიტეტის ბიუჯეტის პროექტი, სივრცითი დაგეგმარების დოკუმენტები, გეოგრაფიული ობიექტების სახელდების შესახებ წინადადებები, აგრეთვე სხვა მნიშვნელოვანი ადმინისტრაციულ-სამართლებრივი აქტების პროექტები, ინფრასტრუქტურული და სოციალური პროექტები.

2. საბჭო საკითხის სხდომაზე განხილვის შემდგომ შესაბამის რეკომენდაციას/წინადადებას წერილობით წარუდგენს მერს. საბჭო უფლებამოსილია მერს წარუდგინოს თავისი რეკომენდაცია/წინადადება/მოსაზრება/შენიშვნა:

ა) იმ საკითხებთან დაკავშირებით, რომელიც განსახილველად გადაეცა საბჭოს;

ბ) საკითხთან დაკავშირებით, რომელიც შედის ადგილობრივი თვითმმართველობის კომპეტენციაში და რომლის განხილვაც მიზანშეწონილად ჩათვალია საბჭომ.

3. მერი უფლებამოსილია არ გაიზიაროს საბჭოს მიერ მიღებული რეკომენდაცია/წინადადება/მოსაზრება/შენიშვნა.

4. ამ მუხლის მე-2 პუნქტის „ა“ ქვეპუნქტით განსაზღვრული საკითხების საბჭოს მიერ არ განხილვა მერისათვის არ წარმოადგენს დაბრკოლებას მოცემულ საკითხებთან დაკავშირებით შემდგომი გადაწყვეტილებების მიღებისათვის.

5. მერის მიერ საბჭოსათვის სამუშაო მასალების (კორესპონდენციების, პროექტების) გადაცემა და მეორეს მხრივ საბჭოდან მერისათვის შესაბამისი წინადადებების (რეკომენდაციების) გადაცემა ხორციელდება უშუალოდ, კანცელარიაში მოძრაობის გარეშე.

მუხლი 5. საბჭოს მატერილურ-ტექნიკური უზრუნველყოფა

1. მერი საბჭოს უზრუნველყოფს შესაბამისი სამუშაო ფართითა და სამუშაო მასალებით.

2. კომპეტენციისა და შესაძლებლობის ფარგლებში მერი ხელს უწყობს საბჭოს სამოქალაქო ინიციატივების, პროექტების და სხვა აქტივობების რეალიზებაში.

3. საბჭოს კონკრეტული საქმიანობა და ინიციატივები ასევე შესაძლებელია დაფინანსებულ იქნეს კერძო პირების მიერ.